

ZASTUPNICA U SKUPŠTINI KANTONA SARAJEVO
MERSIHA MEHMEDAGIĆ

MINISTARSTVO ZA OBRAZOVANJE, NAUKU I MLADE KANTONA SARAJEVO
MINISTARSTVO SAOBRAĆAJA
UPRAVA ZA INSPEKCIJSKE POSLOVE
MINISTARSTVO FINANSIJA – BUDŽETSKA INSPEKCIJA

PREDMET: INICIJATIVA

Na osnovu dostupnih informacija o nepoštivanju registrovanih redova vožnji na autobuskim i minibuskim linijama koje povezuju Trnovo sa Ilijom (linije 45, 45b, 47, 47a, 48 i 85), tražim od Kantonalne uprave za inspekcijske poslove da izvrši kontrolu realizacije redova vožnji na svim spomenutim linijama.

Tražim od Ministarstva saobraćaja da mi dostavi podatke o realizaciji registrovanih redova vožnji u prethodnoj godini za sve navedene linije, te razmotri uvođenje dodatnih linija u skladu sa potrebama stanovnika.

Na osnovu informacija o angažovanju privatnih vozila za prevoz učenika, tražim od Kantonalne uprave za inspekcijske poslove da utvrdi da li su lica koja prevoze učenike OŠ „Zaim Kolar“ registrovani i licencirani prevoznici i po kojem pravnom osnovu su angažovani.

S obzirom da se radi o budžetskim sredstvima namjenjenim za prevoz učenika, tražim od Budžetske inspekcije Ministarstva finansija da izvrši kontrolu utroška navedenih sredstava, a od Ministarstva za obrazovanje, nauku i mlade da se očituje da li je bilo informisano o ovakvom načinu prevoza učenika.

OBRAZЛОЖЕЊЕ:

Osnovni preduslov za normalno odvijanje života u bilo kojoj Općini, je funkcionalan javni prevoz koji će zadovoljiti potrebe svih kategorija stanovništva. Javni prevoz u Općini Trnovo, ne samo da ne zadovoljava osnovne potrebe za povezanošću sa Sarajevom, nego vodi sistematskom iseljavanju mlađih ljudi. Veliki vremenski raspon između vožnji prisiljava na višesatno čekanje, kako penzionere koji dodju platiti račune i obaviti pregled, tako i mlađe i radnike. Podatak da učenik ili radnik koji zakašni na autobus u 17:20h, mora čekati naredni do 20:30h, kada je ujedno i posljednja linija za Trnovo, najbolje govori o uslovima za život i rad. Sto se tiče prevoza učenika i njihove sigurnosti, te zakonitosti u trošenju namjenskih sredstava i angažovanju prevoznika, tražim od svih navedenih subjekata u naslovu da se očituju o uspostavljanju novog modela prevoza.

Sarajevo, 05.12.2016.god.

Zastupnica:
Mersiha Mehmedagić